

河南府縣志輯

中國地方志集成

同治葉縣志

道光寶豐縣志

道光禹州縣志

中國地方志集成


河南府縣志輯 ④④

同治葉縣志

道光寶豐縣志

道光禹州志

上海書店 ● 巴蜀書社 ● 江蘇古籍出版社



同治葉縣志

(清)



歐陽霖
張佩訓
張景恬
倉景恬
纂修
胡廷楨

本書十卷、首一卷。現據同治十一年（一八七二）刻本影印。

大凡天下事無論鉅細所以廢而不修者或曰不切已或曰待後人即樂於從事者往往以力不逮中止况邑之志猶國之史也修史難修志亦難非不詳不漏之難也定其是非之難定其似是而非似非而是之難葉志失修自乾隆間始迄今垂百二十有餘年矣稽於古者或無誤採於今者慮失真星野輿地茲

序

一

猶昨也禮樂賦役守舊章也建置之繫屬戶口選舉旌卹之殷繁可次第增也至某也以政績顯某也以節行著某也以文章傳風土異宜剛柔異俗其是也耶其非也耶其皆是而無非也耶一時之損益安知非千百年褒貶所憑豈不難哉秋七月余來權葉篆問俗采方攷文徵獻詢志乘知前歐陽令於聽政之

餘慨然以為已任不避難而倡始博採廣收備攷詳核與邑紳杜農部仲護合邑人士之力共修纂之已付剞劂矣無待後人舉其事矣噫若歐陽令者可謂力從其心者也邑之人如杜農部輩亦可謂明大義而勇於從公矣今書已告成展卷而見典型識風俗曉人物不特可備太史輶軒之採凡官於斯產於斯

序

二

者皆瞭如指掌而得所觀感也吾幸矣吾重為邑之人幸矣至葉之沿革與夫創志修志各顛末諸序言之詳矣蓋不復贅述云

同治壬申十月既望

賜進士出身五品銜權知葉縣事

南皮張佩訓序



葉縣志序

上海市歷史文獻圖書館藏

霖宦游豫省初宰中牟繼即作
令於葉兩邑皆載在魯論厥蹟最
古然春秋時之中牟地在河北非今
所治境也且佛盱之召聖人欲注而
卒不注葉則轍環所至有問津古

序

一

渡及丈人留宿故址在焉我夫子與
葉以相同答憤樂說來至今恍如
遺訓其地為新名文物之邦所
由來者久矣官於斯者多矣而外
王高以仙跡著山谷以文學稱歷代
不乏良吏霖於丁卯年下車伊始

亟欲徵文考獻觀古人所以為治者

藉資法守及閱邑志則成於前宰
武強石公實在乾隆丙寅之歲迄今
百二十有二寒暑矣年遠事積其
間名儒賢宦耆友忠良之士未著於
篇者不知凡幾且近年流寇侵軼

序

二

我疆士女橫羅鋒鏑雖

朝廷有旌卹之典亦尚有待志乘之
闡揚若不及今詮次時愈久公事
愈湮傳訛滋謬俾邑之父老子弟
無所觀感豈非守土者不能興
廢舉廢之過哉時是紳杜農部仲

萱息輟鄉居與商續纂意見相
同爰糾集該文士博采廣搜編釐
商訂而折衷於前魯山今貴筑胡
君蘇農未幾霽量移河內蘇農
亦歸道山事恐中輟幸未春霽因
以玉茗晤大梁主講倉靜則廉使

序

三

靜少中年人也霖立中年曾刻儀
重脩是志未及染翰後吳君抱
仙踵而為之已經歲事而葉志仍
未有成書心竊惡焉因以蘇農未
定之稿囑其修飾潤色究其盛
舉靜則慨諾不辭越三月以稿錄

寄卷帙體例大致與中年志相
仿其而後霽所荏苒邑均無憾於
記載之弗完矣夫邑雖偏小莫不
有志其大者天地之灾祥時政之
因革損益吏治民風之隆污升降
下逮景物之名勝戶口之繁昌以及

序

四

科名選舉之盛衰人物官師之行
誼必書必備期於信今而傳後裨
政教而勵人心所固誠非淺鮮而
有司簿書苟年或苦於搜羅之未
廣或限於經費之難籌或由於編
輯之寡助以致多歷年所志載

缺如今幸得於百二十二年之後續纂告成雖不敢謂事增於前文省於舊然正謬節先述舊補新庶亦足供後賢之考鑒脩

國史之採擇云爾將付剞劂爰敘其顛末以弁簡端時同治十年歲

序

五

在辛未仲夏之月同知銜前署葉縣事中牟縣知縣今調河內縣知縣彭澤歐陽霖謹撰



舊志序一

葉有志自邑人太常牛公鳳始志創於嘉靖壬寅迄今壬辰又五十年矣其建置之繫屬星野之躔次山川形勝之布列固無容損益者若夫賦役之繁簡風俗之純漓人物之繼起學校公署之增修法制禁令之興革率不可以悉計自今視之多有不同者矣矧時愈久則事愈劇事愈劇則典籍無所載父老無可詢何以別美惡陳得失以備考哉爰于簿書之暇謀於教諭王君邦靜暨邑之人士纂輯彙次上下五十年間闕者補之佚者收之靡者刪之畧者詳之志成凡爲卷二爲目二十嗟乎天下之勢其由來

葉縣志

序

一

無不有漸當其始而圖之其救之也易及其既久則有不可移易者以余觀於葉雖其地由狹而廣其戶口由寡而衆然以言賦役則由省而煩財費則由儉而奢地利則由饒而瘠民風則由樸而澆吏治人才又罔不由盛而衰由良而梏易曰履霜堅冰至小雅曰相彼雨雪先集維霰尚可弗慎厥漸哉思其漸而力救之是所望於後之君子者也昔葉公之問政也吾夫子告以近者悅遠者來志之成非徒爲邑人作也蓋有覽其方輿而慕其風土者又安知不如孔子之所云乎此余之志繼太常牛公之後而不敢辭也時萬曆二十一年季春葉縣知縣嘉興高文登書

舊志序一

夫志紀實纂言之書史類也史志代興今古宜確故作者慎之

國朝定鼎混一輿圖戊戌之歲部院賈公檄下所屬各纂志乘以擴新一代規模甚盛典也兩河南北成就稿矣葉志成徵序於予予不敢辭宛之葉縣治古昆陽城也晉以前兩縣并設葉隸南陽昆陽隸潁川晉以後變故紛出獨葉之名存於史昆陽之名亡矣二縣之地合而爲一實自唐始中間或北治昆陽或南復舊治代無所考分合置廢不知凡幾今境內荒城相望求其葉於何時亦不可詳嗟葉縣志

序

二

乎自晉室亂而天下靡沸不復有史至元魏始作史時當草昧之餘志最苟簡晉隋史作於唐晉初繼兩漢三國其志猶畧可憑隋書雜亂無章適以增疑何足取信此自一端言之他可推矣夫志以紀沿革凡沿革皆難考況葉更難考乎今葉之纂修采輯諸君皆據歷代史志諸書互相援證頗得其概是以山川之名稱城池之攸在及分合之故廢興之迹悉可書之方策以資談指中間尙有一二莫考者亦以古人文字稱說爲據或以他事相關而旁及之亦取以爲徵訂其疑誤畧似明白庶幾無謬歟或謂故老相傳及田夫漁樵之談古人亦取之茲悉不以爲是獨求

之簡策何哉嗚呼此未易言也夫葉西臨大山南接巨嶺盜賊時出治安則周道旁午變故則干戈縱橫居民蕩析不知凡幾以今日之故老質往古之陳迹豈不愚且惑乎杞宋夏商之後也各有史官掌記孔子猶有不足徵之歎況千百年之久而徵諸兵燹僅存之子遺獨何見哉是以纂輯諸君不敢不詳加稽考甯簡勿繁甯真勿妄云是集也起於戊戌之秋迄己亥仲春告成一代鴻書可垂不朽披卷而葉之山川形勢人物文章在目矣夫志不當詳紀一時之地利風俗乎一邑之中年所之間地利之饒減應有不同風俗之純漓亦自不一然而氣會升降由於治

葉縣志

序

三

道汚隆以今日

聖天子御宇百府司贊治喜起一堂海宇咸臻邳隆之休又豈止一葉之利日饒風日純也哉順治十六年襄城賈壯課

舊志序三

日者我

皇上詔天下大修省會通志上之史館彙成一統全書開局編纂既閱四載又

敕所在條陳事實以備蒐羅蓋難且慎如此大中丞閻公鎮撫豫州念河南通志自大司馬賈公編葺距今踰三十

年慮事久難稽爰飭兩河郡邑續修地史將以恭進

御覽備中天之鉅觀吁此盛典也其古者採風之意歟古

天子巡狩四嶽既有期會不能躬履間與小民相勞苦

歲遣輜軒之使博採輿圖職方諸所紀載期於十五國風

俗周知其利弊所在務有以移易變通馴致太和之化故

雖一邑罔或畧焉考之王制建諸侯各君其地今之大

中小邑非古百里七十里五十里以次而降之侯國乎葉

固周初應侯地也春秋時入於楚以沈諸梁爲之令傳所

稱葉公子高蓋章章已當時楚恃其形勝盛稱方城與漢

水並著今考方城舊址在苦棗于東二山間飄蕩銷沈未

葉縣志

序

四

觀所爲險要者且自漢以後隸屬無常兵燹之餘瘡痍未

復僅當南陽下邑耳今昔殊觀頓成霄壤爲之慨然顧邑

無論大小有山水則名有人物則靈有賢長吏維持而安

全之則民易治而俗亦易馴自古然矣葉在裕州分界西

唐石門雅擅佳勝又汝澨昆澧諸水交流宜聖車塵轍環

宛在其間名賢高隱代不乏人又葉公靖難於方城之外

光武發軔於昆水之陽遠而仙令遺踪近亦忠魂未泯地

靈人傑尤表表可觀記云文既奉檄纂修嘉興二三君子

張皇補苴力爲搜採而紀載殘缺文獻淪亡安望其典而

核博而該彬雅可風乎然據見聞之異辭慎信疑之互訂

取而折衷之秩如也昔朱考亭所蒞官必先修志乘良以
人情風土非此莫徵文雖譎陋濫膺茲土亦竊有志焉用
以告成事於大中丞仰觀

聖天子聲教所敷海遼山陬無遠弗屆曩爾葉壤俾一二
流傳軼事併得附史臣珥筆昭大一統鴻模文能無厚期
哉編既成敢弁數言於卷首時康熙辛未七月知葉縣事
充庚午科河南鄉試同考試官遂甯呂柳文撰

舊志序四

書契既立紀載遂詳唐虞二代尙矣降而史漢班馬涑水
廬陵各舉一代之迹載諸簡編以垂奕禩良鉅觀哉抑亦

葉縣志

序

五

昭其信爾邑乘雖渺然郡志通志實基諸此進而一統鴻

模亦由此集吁豈易言與我

皇上聰明天縱制作乘時宏開館局纂明史三禮等書以

昭一王典章煌煌乎極盛隆軌也茲者大方伯趙公以翰

苑名儒宣化中州覽各邑舊志率係康熙初年間所纂慮

繼起事蹟湮沒失傳爰檄飭所屬重加增輯非以備輜軒

之採而昭輿圖之盛歟余蒞葉數載矣嘗登黃成臨澧流

想伏龍事業文通風雨荒煙野蔓之際如將遇之而百里

桑麻星羅繡錯雲樹隱現中又歷歷可數感歎流連幾不

能置然風土人情固所稔知而數十年來時勢不同制度

遞新亦若山之增而益高水之濬而益深簿書餘暇每與邑二三君子證其梗概酌其損益期以興利剔弊抉微闡幽顧游刃有志割雞無能徒嗒焉若喪已耳夫非集思無以廣益非信今何以傳後余奉檄謬任纂修而諸君殫思極慮更能匡余所不逮雪案校字冰硯濡毫一堂之上晰疑辨難覺葉之風土宛然在目先哲碩彥亦羹牆若接幾不自知爲風塵吏也後之君子詎無聞之而興起者乎事既竣反覆細繹雖年遠事繁搜羅不無或遺然一物一則一名一義於古人作史昭信微旨幸無愧焉其亦鼓吹休明之一助與爰付攻木氏以垂永久余既量指俸餘邑人葉縣志

序

六

士亦咸鼓舞樂輸共襄厥成葉中多信士於此猶可見一斑云
 乾隆丙寅五月知葉縣事充甲子河南鄉試同考試官武強石其灝謹撰

葉縣志總目

卷首

序文 目錄 纂修姓氏 凡例 圖考

卷之一

輿地志 沿革 星野 疆域 形勝 山川 古蹟 冢墓 風俗 土產 祥異 兵荒

卷之二

建置志 城池 街道 廨宇 鋪舍 倉廩 學校 書院 附 社學 附 武備 廟壇 祠宇 附 寺觀 附 坊表 關津 橋梁 水利 村莊 寨堡 附

卷之三

禮樂志 典禮 職祀 鄉飲 總目

葉縣志

卷之四

賦役志 丁役 由賦 雜稅 鹽法 驛站

卷之五

職官志 各表

卷之六

選舉志 各表

卷之七

名宦志

卷之八

人物志 鄉賢 儒林 文苑 孝義 忠烈 青衿 藝術 方外 流寓 列女

卷之九

藝文志 賦 詩 頌 贊 記 序 墓志銘

卷之十

雜記 紀事 輯聞 錄異 辨疑

附錄

舊志凡例 舊志編次 舊志纂修姓氏

葉縣志

總目

二

纂修姓氏

總修

同知銜調署葉縣事中牟縣知縣歐陽霖

運同銜戶部浙江司主事杜鶴慈

總纂

布政使銜前湖南按察使司按察使翰林院編修倉景恬

前河南魯山縣知縣景山官學教習胡廷楨

參訂分校

羅山縣訓導張廷綸

增 生馮維楨

葉縣志 卷首 姓氏

從 九

增 品叟先桓 生鄭嘉祥

刑部員外郎張其蔚

歲貢 生孫桂

增 生藍玉田

增 生王鳳鳴

採訪

檢 討宋偕光

舉 人萬鈺

恩貢 生戴廷屨



拔	貢	生婁震坤
拔	貢	生張新銘
歲	貢	生孫登瀛
歲	貢	生梁潤堂
歲	貢	生謝芝
廩	貢	生張週
庫	大使銜生	貢潘益三
廩		生侯炳南
歲	貢	生馮瑞年
廩		生祁如桓
葉縣志 卷首 姓氏		
廩	二	生黃協中
增		生張鴻達
生		貢張化行
生		貢李省吾
監刻		
典		史莊恭壽
山	西鳳臺縣	人吳兆奎
繪圖		
從	九	品孫錦昇

凡例

一舊志之作成於乾隆丙寅閱今已百有二十餘年其間賢宦名儒爲時較近者尚有人能道之採訪得實謹卽登錄至百年內外之人則稱述者寡矣卽如呂令柳文政治之善見詠於卓爾堪鄧易采詩中而事蹟無微竟不能爲之立傳其餘官紳似此湮沒者當亦不少載筆之餘良用慨然

一書分十卷以輿地建置禮樂賦役職官選舉名宦人物藝文雜記十者爲綱領除職官選舉仿各史年表體名宦做省志不標細目外其餘爲目者五十七爲

葉縣志 凡例 一

附目者九每卷前有小引每篇後有論說庶乎綱舉目張開卷瞭然

一每篇後論說多仍舊志而舊志所載呂君柳文之論更覺懇切精詳文亦雅馴可誦今於照錄舊志者則文後旁注舊志二字錄呂君論者則文後旁注呂志二字不敢遺珠亦不敢掠美或有未備亦間參末議以補之焉

一舊志不書水利所敘村鎮山川亦畧而不詳今據通志增入水利一門並將五十三村所屬各村莊一一臚列至山川之在縣境者則必詳考原委註明方向

山之脈絡起伏水之來源去路竝為細書於冊俾閱者如掌上觀紋

一舊志職官不載保安驛丞及分防千總外委選舉不載武科學校不載廩增附額數未免疎漏今皆增入一舊志人物無忠烈一門而以崇禎時遇難之葉人孟養氣李慶雲列名宦之後似乖體例又邊拱許經既見宦績又載於孝義中一人兩傳亦於體例不協且邑乘非序爵之書更不必以宦績庠序分目也今皆更正

一志中列女一冊篇幅較繁前志所載已百數十人自

葉縣志

凡例

二

乾隆迄今旌表者三百餘人此次採訪又數百人或激烈捐軀或堅貞守節足以砥世礪俗誠如舊志所云多多益善又何嫌焉

一舊志雜記有康熙四十八年請廣學額一條全錄邵院公牘頗覺煩瑣地史紀事以簡明為尚且等因奉此文字與全書筆墨不類今特刪之藝文內存賈姓葉庠廣額序一篇已足見此事原委也其餘重見複出者甚多亦並從節

葉縣志卷首

圖考

同知銜調署葉縣事中牟縣知縣歐陽霖重修

自河啓義儀洛開禹範肇造以還圖書並重周禮大司徒以天下土地之圖周知地域廣輪之數辨其名物蓋視險易考規畫誠莫善於圖己蕭何入關收秦圖書具知阨塞要害戶口多寡強弱之處與夫民所疾苦漢得天下實基於此葉雖下邑山川勝蹟較他處為佳圖以誌之則無事嘖有煩言而其事其地其景宛然在目辨俗審形未始非為政者之一助也志圖考

葉縣志

卷首

圖考

星野圖

柳星張周分之圖

酒旗

柳宿

天稷



星宿





鄭州

葉縣

潁陽

裕州






葉縣志卷一

南關郭圖

六



葉縣志卷一

文廟圖

七

